



Imm. 230-mut akissuteqaatip akuerineqarnisaa: Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit Nunaannilu Naalackersuisunut kaammattuutigaa imaani pisuussutini uumassusilinni mikroplasteqassutsimik kiisalu atlantikup avannaata imartaani plastikini mingutsitsinerup qanoq siammartigisimaneranik misissuinerup aallartitseqqullugit. Misissuinerup inernerisa 2018-imi Nunat Avannarliit Killiit Siunnersuisoqatigiiffiannut saqqummiunneqarnissaat kissaatigineqarpoq.

(Aallartitat siulittaasuat Vivian Motzfeldt)

(Siullermeerneqarnera)

Nunat avannarliit killiit imartaat nunarsuup avannaata imartaata ilarujussuaraa. Kalaallit Nunaat eqqarsaatigalugu aalisarneq taamaasillunilu imaq aningaasarsiornikkut tunngaviit pingaarnersaraat. Tamatumap Kalaallit Nunaat pisussaaffilerpaa aamma Nunani Avannarlerni Killiit allat naalackersuisut pisussaaffilerpai atlantikup avannarliup imartaani plastikini mingutsitsinermut akiuinissaannut.

Siunnersuuteqartup nammeneq oqarneratut, imak mingutsinneqarujussuareerpoq. Naatsorsuutigineqarpoq mingutsitsineq siunissami suli annerulerumaartoq aamma nunarsuarmioqatigiit ajornartorsiummut tappinnerulersimagaluarpataluunniit.

Kalaallit Nunaat Nunat Avannarliit Killiit suleqatigalugit sulissuteqarnemi siuttuusariaqarpoq nunarsuarmioqatigiillu ajornartorsiut pillugu paasitillugit. Taamaaliortoqassappat uppersaasarsuinissaq pisariaqarpoq. Uppersaasatillu pissarsiarineqarsinnaapput misissuinissaq siunnersuutigineqartoq atorlugu.

Demokraatit isumaat naapertorlugu suliaq aallartipallattariaqarpoq. Imartat mingutsinneqarnerisa akiorneqarnissaanut suleqatigiittoqarnissaanut Naalackersuisut siulliullutik alloriaqqullugit peqquneqartariaqarput. Tamatumunngali atatillugu Naalackersuisut aamma kaammattortariaqarput eqqagassalerineq pillugu paasititsiniaanertik ingerlatiinnassagaat.

Peqataanik Demokraatini eqqaarusupparput, innuttaasut tamarmik ulluinnarni suleqataasinnaammata, pinngortitamik eqqiluutsuutitsinermikkut. Taamaalorsinnaavugut illoqarfitsinni eqqakkanut isummersornitsigut aamma pinngortitamiinnitsinni qanoq pissuseqarnissarput pillugu isummersornitsigut. Eqqakkat pinngortitamut igiinnarneqartartussanngillat. Eqqagalerisunut apuunneqartartussaapput suliareqqitassanngorlugit.

Taamatut naatsumik oqaaseqarluta inassutigaarput siunnersuut akuerineqassasoq suliarineqarqinnissaalu pillugu Eqqissimatitsinissamut Avatangiisinullu Ataatsimiititaliamut ingerlateqqinneqassasoq.